

თანამშრომლობის ხელშეკრულება

ქ. თბილისი

23 ივნისი 2021წ.

ერთი მხრივ, შპს თბილისის ჰუმანიტარული სასწავლო უნივერსიტეტი (შემდგომში „უსდ“), მისი რექტორის ვალენტინა საყვარელიძის სახით და, მეორე მხრივ, შპს „ფსიქიკური ჯანმრთელობის და ნარკომანიის პრევენციის ცენტრი“ (შემდგომში „მხარე“), მისი გენერალური დირექტორის ლაშა კილაძის სახით, ვდებთ თანამშრომლობის ხელშეკრულებას რომლის მიზანია თბილისის ჰუმანიტარული სასწავლო უნივერსიტეტის მიერ ჰუმანიტარულ ფაკულტეტზე არსებული ფსიქოლოგიის საბაკალავრო საგანმანათლებლო პროგრამის სტუდენტთა საგანმანათლებლო მომსახურების უზრუნველყოფის ხელშეწყობა ამავე საგანმანათლებლო პროგრამის (სასწავლო/საწარმოო) პრაქტიკის განხორციელების გზით.

მხარეები თანხმდებიან შემდეგზე:

1. ხელშეკრულების საგანი

1.1. თბილისის ჰუმანიტარული სასწავლო უნივერსიტეტის ჰუმანიტარული ფაკულტეტის მიერ რეალიზებული ფსიქოლოგიის საბაკალავრო საგანმანათლებლო პროგრამით გათვალისწინებული (სასწავლო/საწარმოო) პრაქტიკის სილაბუსის შესაბამისად, რომელიც ამ ხელშეკრულების დანართი და განუყოფელი ნაწილია, ამავე ფაკულტეტის სტუდენტებისათვის პრაქტიკის შემადგენელი ნაწილის - საწარმოო პრაქტიკის გავლის უზრუნველყოფა სილაბუსით განსაზღვრული საათობრივი დატვირთვით;

საწარმოო პრაქტიკა გათვალისწინებულია *კლინიკური ფსიქოლოგიის მოდულისთვის*.

1.2. საწარმოო პრაქტიკის გასავლელად, მხარე უზრუნველყოფს სტუდენტი ჩართოს რეალურ საქმეთა წარმოებაში, რისთვისაც მხარე გამოყოფს უფლებამოსილ პირს (მენტორს), რომელიც უშუალო ხელმძღვანელობას უწევს სტუდენტის პროფესიულ საქმიანობას;

1.3. საწარმოო პრაქტიკის გავლას საერთო კოორდინაცია უწევს უნივერსიტეტის წარმომადგენელი - სილაბუსის ავტორი, შესაბამისი ფაკულტეტის პრაქტიკის ხელმძღვანელი;

1.4. სტუდენტი აწარმოებს საწარმოო პრაქტიკის დღიურს და ადგენს პრაქტიკის ანგარიშს პრაქტიკის ინსტრუქციის თანახმად;

1.5. საწარმოო პრაქტიკის განხორციელების პროცესი მოიცავს შემდეგ ეტაპებს:

- ა) მოსამზადებელი შეხვედრა (უნივერსიტეტი);
- ბ) სტუდენტის ინფორმირება პრაქტიკის ხელმძღვანელის მიერ (უნივერსიტეტი);
- გ) პრაქტიკის ადგილის გაცნობა მენტორის მიერ (მხარე);
- დ) სამუშაო პროცესში ჩართვა და ყოველდღიური ჩანაწერების წარმოება (მხარე);
- ე) სტუდენტის ზედამხედველობა მენტორის მიერ (მხარე);
- ვ) სტუდენტის კონსულტირება პრაქტიკის ხელმძღვანელის მიერ, პრაქტიკის შუალედური მიმოხილვა/შეფასება პრაქტიკის ხელმძღვანელის მიერ (უნივერსიტეტი);
- ზ) დასკვნითი შეფასება (პრაქტიკის საჯარო დაცვა) (უნივერსიტეტი).

2. ანაზღაურება

უნივერსიტეტი მხარეს გადაუხდის საწარმოო პრაქტიკის გავლის უზრუნველყოფის მომსახურების მათ შორის შეთანხმებულ საფასურს ყოველ ერთ სტუდენტზე მხარის მიერ გამოწერილი ანგარიშ-ფაქტურისა და გაფორმებული მიღება- ჩაბარების აქტის შესაბამისად ერთი სტუდენტის საფასური შეადგენს 50,0 (ორმოცდაათი) ლარს.

3. მხარეების უფლებები და ვალდებულებები:

3.1 უნივერსიტეტი ვალდებულია:

- ა) იმოქმედოს ამ ხელშეკრულების შესაბამისად;
- ბ) გადუხადოს მხარეს ამ ხელშეკრულების მე-2 პუნქტში გათვალისწინებული თანხა ამავე პუნქტით განსაზღვრული წესით;
- გ) გადასცეს მხარეს იმ პირთა/მასწავლებელთა (პრაქტიკის ხელმძღვანელთა) და სტუდენტთა სია, რომელთაც ენიჭებათ დაშვება და მხარის მატერიალურ-ტექნიკური ფასეულობებით სარგებლობის უფლება;
- დ) დროულად აცნობოს მხარეს შეთანხმებული გრაფიკის (ცხრილების) ცვლილების თაობაზე;
- ე) აანაზღაუროს მხარის მატერიალურ-ტექნიკური ბაზისთვის უნივერსიტეტის წარმომადგენელთა დადასტურებული ბრალით მოყენებული მატერიალური ზარალი სრულად.

3.2 მხარე ვალდებულია:

- ა) კეთილსინდისიერად, ხარისხიანად სრულყოფილად და დროულად, უნივერსიტეტის ინტერესებიდან გამომდინარე შეასრულოს ამ ხელშეკრულებით გათვალისწინებული პირობები;
- ბ) უზრუნველყოს საგანმანათლებლო მიზნებით ამ ხელშეკრულებით გათვალისწინებული მხარის მატერიალურ-ტექნიკურ ბაზაზე სტუდენტის დაშვება და არ დაუშვას უნივერსიტეტთან შეთანხმებული გრაფიკის (ცხრილის) მიხედვით, უნივერსიტეტთან შეთანხმებული სიით უნივერსიტეტის წარმომადგენელთა ამ ბაზასთან დაშვების შეზღუდვა;
- გ) შეუქმნას უნივერსიტეტის წარმომადგენლებს/მასწავლებელთა (პრაქტიკის ხელმძღვანელთა) და სტუდენტთა საწარმოო პრაქტიკის გავლის სათანადო და უსაფრთხო პირობები, უზრუნველყოს ისინი საჭირო ინვენტარით;

4. ხელშეკრულების ვადა

- 4.1. თანამშრომლობის ხელშეკრულება იდება 1 (ერთი) წლის ვადით;
- 4.2. წინამდებარე ხელშეკრულება ძალაში შედის ხელმოწერის დღიდან;
- 4.3. ხელშეკრულების ვადამდე შეწყვეტა შეიძლება მოხდეს მხოლოდ მოქმედი კანონმდებლობით დადგენილი პირობებითა და წესით.

5. მხარეთა პასუხისმგებლობა

ამ ხელშეკრულებით დაკისრებულ მოვალეობათა შეუსრულებლობის ან არასათანადოდ შესრულებისათვის, მხარეს ეკისრება მატერიალური პასუხისმგებლობა სამოქალაქო კანონმდებლობის შესაბამისად;

6. განსაკუთრებული პირობები

პირობები, რომელთა ხელშეკრულებაში მითითებასაც მხარეები მიზანშეწონილად მიიჩნევენ;

7. დავები

მხარეთა შორის წამოჭრილი ნებისმიერი დავა გადაწყდება ურთიერთშეთანხმებით. მოლაპარაკების მიუღწევლობის შემთხვევაში დავა გადაწყდება მოქმედი კანონმდებლობის შესაბამისად;

8. დასკვნითი დებულებები

წინამდებარე ხელშეკრულება გაფორმებულია ქართულ ენაზე ორ ეგზემპლარად. ერთი ინახება უნივერსიტეტში, მეორე - მხარესთან. ორივე ეგზემპლარს თანაბარი იურიდიული ძალა აქვს.

9. მხარეთა რეკვიზიტები და ხელმოწერები

<u>პრაქტიკაზე მიმღები ორგანიზაცია:</u>	<u>უსდ:</u>
შპს „ფსიქიკური ჯანმრთელობის და ნარკომანიის პრევენციის ცენტრი“ მისამართი: ქ. თბილისი, ქავთარაძის ქუჩა № 21 ა მიმღები ბანკი - „თიბისი ბანკი“ ბანკის კოდი - TBCBGE22 მიმღები ანგარიში: GE48TB7810436020100003 ელ.ფოსტა: legal.department.mhpa@gmail.com ხელმოწერა: _____ ლამა კილაძე 	შპს თბილისის ჰუმანიტარული სასწავლო უნივერსიტეტი (ს.კ N206046045) მის: თბილისი, 0144, ბერი გაბრიელ სალოსის გამზ. N31 ტელ: (+99532) 2545908, 2545909 ელ ფოსტა: thu-posta@thu.edu.ge ვებ გვერდი: www.thu.edu.ge ხელმოწერა: <u>ვ. ნიჭიშვილი</u> ვალენტინა საყვარელიძე 